

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI - KANTON
OPĆINA DOBOJ JUG
OPĆINSKO VIJEĆE DOBOJ JUG
Broj: 01-04-1431-15/24
Datum: 31.12.2024.godine

O D L U K A

O IZVRŠENJU BUDŽETA OPĆINE DOBOJ JUG
ZA **2025**.GODINU

**BOSNA I HERCEGOVINA
FEDERACIJA BOSNA I HERCEGOVINA
ZENIČKO-DOBOJSKI KANTON
OPĆINA DOBOJ JUG
OPĆINSKO VIJEĆE**

Na osnovu člana 33. stav 2. Zakona o budžetima u Federaciji BiH („Službene novine FBiH“, broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), člana 13. Zakona o principima lokalne samouprave u FBiH („Službene novine FiH“, broj: 49/06), te člana 23. Statuta općine Doboj Jug („Službeni glasnik općine Doboj Jug“, broj: 03/08, 01/12 i 02/13), Općinsko vijeće Doboj Jug na svojoj drugoj redovnoj sjednici IX saziva održanoj dana 30.12.2024.godine donosi:

O D L U K U
o izvršenju Budžeta općine Doboj Jug za 2025.godinu

I OPĆE ODREDBE

Član 1.

Ovom odlukom se uređuje način izvršenja Budžeta općine Doboj Jug za 2025.godinu (u daljem tekstu Budžet), upravljanje prihodima i izdacima Budžeta, te prava i obaveze korisnika budžetskih sredstava.

Član 2.

Opći dio Budžeta se sastoji od bilansa prihoda i izdataka, a poseban dio sadrži detaljan raspored izdataka po budžetskim korisnicima i vrsti izdataka.

U bilansu prihoda i izdataka iskazuju se porezni i neporezni prihodi i drugi primici, te izdaci utvrđeni za finansiranje javnih potreba na nivou općine Doboj Jug (u daljem tekstu općina) na osnovu zakonskih i drugih propisa.

II IZVRŠENJE BUDŽETA

Član 3.

Sredstva budžeta osiguravaju se budžetskim korisnicima koji su u posebnom dijelu Budžeta određeni kao korisnici sredstava po pojedinim pozicijama.

Korisnici Budžeta sredstva Budžeta koriste samo za namjene koje su određene Budžetom i to do visine utvrđene u njegovom posebnom dijelu.

Član 4.

Budžetski korisnici sredstva Budžeta koriste u skladu sa svojim godišnjim planom, a po dinamici utvrđenoj mjesečnim planovima.

Član 5.

Prilikom ugovaranja uslova za ispunjenje obaveza iz Budžeta, korisnici Budžeta su dužni uzimati u obzir utvrđenu dinamiku priliva i odliva sredstava.

Član 6.

Postupak nabavke investicionih dobara i usluga mora se obavljati u skladu sa Zakonom o javnim nabavkama BiH („Službeni glasnik BiH“, broj: 39/14, 59/22 i 50/24).

Član 7.

Budžet se izvršava na osnovu tromjesečnih planova za izvršenje Budžeta, a u skladu sa raspoloživim sredstvima čime se ujedno utvrđuje dinamika izvršenja Budžeta.

Općinske službe koje u svom budžetskom razdjelu sadrže potrošačke jedinice-glave, budžetski su za njih nadležne.

Općinske službe koje su nadležne za budžetske korisnike utvrđuju računске tromjesečne planove, izvršenja izdataka po svojim korisnicima u okviru odobrenih sredstava iz stava 1. ovog člana.

Član 8.

Načelnik općine u slučaju neusklađenog priliva sredstava u Budžet općine može utvrditi da se Budžet izvršava prema mjesečnim planovima izvršenja.

Član 9.

Korisnici Budžeta su dužni Načelniku općine, odnosno Službi za budžet, finansije i privredu dostavljati mjesečne finansijske planove za izvršenje Budžeta deset (10) dana prije početka mjeseca, a u okviru odobrenih sredstava Budžeta, kao i izvještaje o utrošku sredstava Budžeta.

Član 10.

Neutrošena sredstva po pojedinim stavkama izdataka iz tromjesečnog plana izvršenja, prenose se na iste stavke u planu izvršenja Budžeta za slijedeći period u okviru budžetske godine.

Član 11.

Izuzetno, izdaci koji nisu predviđeni tromjesečnim planom izvršenja Budžeta ili izdaci koji zahtijevaju prekoračenje pojedinih stavki u tromjesečnom planu za izvršenje Budžeta, mogu se podmiriti uz saglasnost Načelnika općine.

Izdaci iz predhodnog stava ovog člana u hitnim slučajevima mogu se podmirivati iz sredstava tekuće budžetske rezerve. Načelnik općine u hitnim slučajevima može raspolagati sredstvima tekuće budžetske rezerve do iznosa od 9.000,00 KM.

Načelnik općine, odnosno Služba za budžet, finansije i privredu dužni su izvještavati Općinsko vijeće o raspolaganju sredstvima iz predhodnog stava ovog člana.

Član 12.

Sredstva na poziciji „Bruto plaće i naknade plata uposlenih“ će se realizovati prema osnovici za obračun plaće uposlenika u Organima uprave Općine Doboj Jug za 2025. godinu u visini 425,00 KM i sa utvrđenim bodom 1.00. U slučaju promjene osnovice plaće na Federalnom nivou ovlašćuje se Općinski načelnik da definiše novu osnovicu do visine federalne osnovice, a u skladu sa raspoloživim budžetskim sredstvima na navedenoj stavci. Osnovica i bod su definisani sa članom 5. Zakonu o plaćama u organima vlasti Federacije Bosne i Hercegovine („Službene novine Federacije BiH“ broj 45/10, 111/12 i 20/17).

Ovlašćuje se Općinski načelnik da tokom budžetske godine izvrši korekciju vrijednosti boda kako bi se uskladila potrebna sredstva za plaće sa raspoloživim budžetskim sredstvima na navedenoj poziciji.

Visinu dnevnice za službeni put i druga lična primanja za sve korisnike Budžeta, utvrđuje Načelnik svojim rješenjem, a u skladu sa propisima Federacije BiH i ZDK.

Član 13.

Sav prikupljeni i naplaćeni javni novac koji pripada Budžetu općine obavezno se uplaćuje na depozitni račun Budžeta.

Član 14.

Pogrešno ili više uplaćeni općinski neporezni prihodi u Budžet vraćaju se uplatiocima na teret tih prihoda, na osnovu rješenja i odobrenja načelnika općine

Član 15.

Sredstva Budžeta utvrđena prema razdjelima, glavama i pozicijama u vidu transfera-grantova koriste se prema aktima koje donosi i odobrava Načelnik općine, cijeneći opravdanost podnesenog zahtjeva tražioca.

Član 16.

Za izvršenje Budžeta općine, u cjelosti je odgovoran Načelnik općine, kao Izvršni organ općine.

Naredbodavac za izvršenje Budžeta općine u cjelini je Načelnik općine kao rukovodilac izvršnog organa uprave.

U izuzetnim slučajevima za vrijeme odsutnosti Načelnika općine, korištenje sredstava iz Budžeta općine odobravaće lice određeno odredbama Statuta općine Doboj Jug.

Član 17.

Nadzor nad finansijskim, materijalnim i računovodstvenim poslovanjem korisnika Budžeta, te nad zakonitom i namjenskom upotrebom budžetskih sredstava obavlja Služba za budžet, finansije i privredu općine.

Član 18.

Za svako korištenje sredstava Budžeta nosioci potrošnje budžetskih sredstava, dužni su u svojim aktima navesti broj i naziv pozicije Budžeta.

Član 19.

Ova odluka stupa na snagu danom donošenja i biće objavljena u Službenom glasniku Doboj Jug, a primjenjivat će se od 01.01.2025.godine.

Predsjedavajući Općinskog vijeća
prof.dr.sc. Hasan Škiljo